

Tafsiira Suuratu Ar-Ruum-Kutaa 18

Description

Zaalimonni Guyyaa Qiyaamaa Rakkoo Himachuun fi sababa dhiyefachuun isaan hin fayyadu

فَيَوْمَ إِذَا لَا يَنْفَعُ الَّذِينَ ظَلَمُوا مَعْذِرَتَهُمْ وَلَا هُمْ
يُسْتَعْتَبُونَ

٥٧

â€œGuyyaa san warra zulmii hojjatan rakkoo himachuun isaanii isaan hin fayyadu, Rabbiin gammachiisunis isaan irraa hin barbaadamu.â€ Suuratu Ar-Ruum 30:57

Asitti warri zulmii hojjatan warra shirkii hojjatanii fi Guyyaa Qiyaamaa kijibsiisaniidha. Shirkiin gosoota zulmii hunda kan of keessatti qabateedha. Shirki keessa haqa Rabbii irratti daangaa darbutu jira. Ammas mushrikoonni nafsee ofii adabbiif saaxiluun of miidhu (zollomu). Ammas, Rasuula (SAW) kijibsiisuun miidhu. Qaamaa fi qabeenya isaanii irratti daangaa darbuun muâ€™mintootas miidhu. (Mushrikoonni muâ€™imintoota irratti daangaa darbuun zulmii hojjatu.) Kanaafu, shirkii gosoota zulmii hunda kan of keessatti hammateedha.[\[1\]](#)

Guyyaa Qiyaamaa namoota akkanaatiif rakkoo ykn sababa dhiyefachuun homaa isaan hin fayyadu. Fakkeenyaaaf Guyyaa Qiyaamaaakkana jedhu: â€œfedhii lubbuu keenyatnu mooâ€™ate. Namoota kanniintu nu jallise.â€ fi kanneen biroo jechuun sababa yoo dhiyefatan homaa isaan hin fayyadu.

Ammas, tawbaa fi hojji gaggaarii hojjachuudhaan Rabbii oltaâ€™aa akka gammachiisan isaan irraa hin barbaadamu. Kana irra, badii fi cubbuu isaaniitiif ni adabamu.[\[2\]](#)

Qurâ€™aana keessa Fakkeenyota Haqiiqa wantootaa ibsantu jira

وَلَقَدْ ضَرَبَنَا لِلنَّاسِ فِي هَذَا الْقُرْءَانِ مِن كُلِّ مَثَلٍ وَلَئِنْ جَحَّتُمْ
بِأَيَّةٍ لَيَقُولَنَّ الَّذِينَ كَفَرُوا إِنْ أَنْتُمْ إِلَّا مُبْطَلُونَ

٥٨

â€œDhugumatti Qurâ€™aana kana keessatti namootaaf [gosoota] fakkeenyaa hunda irraa [fakkeenyaa] dhiyeessinee jirra. Yoo ati aayan isaaniitti dhufte, dhugumatti warri kafaran, â€˜Isin warra sobaa malee homaayyu miti.â€ Suuratu Ar-Ruum 30:58

â€œDhugumatti Qurâ€™aana kana keessatti namootaaf [gosoota] fakkeenyaa hunda irraa [fakkeenyaa] dhiyeessinee jirra.â€

Kana jechuun Qurâ€™aana kana keessatti gosoota fakkeenyaa hunda kan dhugaan (haqiqaan) wantootaa ifa itti taâ€™uu fi dhimmoonni ittiin beekkaman namootaaf dhiyeessinee jirra. Fakkeenyaa dhiyeessun wanta tokko wanta biraatin wal bira qabuun haqa ibsuu fi ragaa gadi dhaabuuf gargaara. Fakkeenyota kanniin keessaa duâ€™aan booda kaafamuun haqa akka taâ€™e mirkaneessuuf Rabbiin subhaanahu wa taâ€™aalaa Qurâ€™aana keessatti karaa adda addaatin fakkeenyaa dhiyeesse jira. Nama jalqabaa biyyee irraa uumuu fi ruuhi itti afuufuun lubbu-qabeessa isa taasisuun fakkeenyaa duâ€™aan booda kaafamu agarsiisudha. Nabii Aadamiin jalqaba biyyee irraa uumuun nama lubbu qabu kan taasise, namoonni erga duâ€™aani biyyee taâ€™ani boodas isaan kaasun lubbu-qabeenyi isaan taasisa.

Ammas, Suuratu Al-Baqarah keessatti namootaa fi lubbu-qabeenyi duâ€™aan booda kaafaman bakka afuritti dubbate jira. 1ffaa-Namticha ganda kukkufte biraan darbee ergasi isa ajeesun wagga dhibba booda isaa fi harree isaa jiraachise. (Suuratu Al-Baqarah 2:259)

2ffaa-Bani Israaâ€™il keessaa nama ajjeefame eenu akka isa ajjeese akka beeksisuuf duâ€™aan booda ni kaase. (Suuratu Al-Baqarah 2:73)

3ffaa- namoota kumaatamatti lakkawaman duâ€™a sodaachun bakka biraatti osoo baqachaa jiranu, karaa irratti â€œeduâ€™aaâ€™isaaniin jechuun akka duâ€™an isaan taasise. Ergasii Rabbiin isaan jiraachise. (Suuratu Al-Baqarah 2:243)

4ffaa- qalbiin Nabii Ibraahim (aleyh salaam) duâ€™aan booda kaafamutti akka tasgabbooftuf akkaataa duâ€™aan booda itti kaasu yommuu Rabbiin gaafatu, sinbirroo afur fuudhee mummuruun walitti makee gaara adda addaa irra akka kaaâ€™u, ergasii akka ofitti isaan waamu ajaje. Nabii Ibraahimis yommuu kana hojjatu, sinbirooleen cicciramanii duâ€™an lubbu-qabeenyi taâ€™uun gara isaatti dhufan. (Suuratu Al-Baqarah 2:260)

Kunniin hundi duâ€™aan booda kaafamuun haqa akka taâ€™e ibsu. Ammas, duâ€™aan booda kaafamuu dachii erga gogde booda magariisa taatun wal fakkeesse. Dachiin yommuu biqiltooni irraa gogan ni duuti. Rabbiin azza wa jalla sanyii gogduu ykn hidda gogaa irraa biqiltoota lubbu-qabeenyi magarsuun dachii jiraachisa. Ilmaan namaas duâ€™aan booda akkanumatti jiraachisa. *Akuma bishaan itti roobsun sanyii biqiltuu gogduu taate irraa baala, jirmaa fi damee baase, Guyyaa Qiyaamaas bishaan itti roobsun lafee xiqqoo fi gogduu taate irraa qaama nama harkaa luka, afaani funyaan qabu baasa.*[\[3\]](#)

Kana waliinu kaafironni duâ€™aan booda kaafamu kijibsiisuu itti fufan. Kanaafi, itti aanse ni jedha: â€œYoo ati aayan isaaniitti dhufte, dhugumatti warri kafaran, â€œIsin warra sobaa malee homaayyu miti.â€ jedhu. Kana jechuun ragaa fi mallattoo wanti ati fidde sirrii taâ€™uu agarsiisu yoo kaafirootatti fidde, dhugumatti kaafironni ni jedhu, â€œati fi warri si hordofan warra sobaati.â€ Kana jechuun isin warra soba hordofu.[\[4\]](#) Sababni kana isaan jechiisisee fi haqa akka sobaatti akka ilaalan isaan taasisee qalbiin isaanii cufamuudha. Kanaafi itti aanse ni jedha:



كَذَلِكَ يَطْبَعُ اللَّهُ عَلَى قُلُوبِ الظِّنَّ لَا يَعْلَمُونَ

â€œAkka kanatti Rabbiin qalbii warra hin beeknee irratti cufaâ€ Suuratu Ar-Ruum 30:59

Kana jechuun akka kanatti qalbii namoota haqa Rabbiin irraa dhufee hin beekne, gara fuunduraattis beekuuf fedhii hin qabnee irratti cufa. Sababni isaas, isaan hulaa beekumsi hubannoo fi sammuu ittiin seenu cufanii jiru. Beekumsa amantiin wal qabatee fudhachuu irraa sammuu isaanii haguuganii jiru. Kanaafu, Rabbiin seera Isaatiin qalbii isaanii irratti cufe. Namni fedhii isaatiin qalbii isaa haqa irraa haguuge, Rabbiin qalbii isaarratti cufa. Kuni sababaa fi buâ€™aadha.

Rabbiin azz wa jalla qalbii irratti cufuun wanta dirqamaan taâ€™uu miti. Garuu buâ€™aa namni fedhii ofiitin hojii keessaa ykn alaa hojjatu irraa argamuudha.^[5] Namni hojii badaa hojjate, seera sababaa fi buâ€™aa hordofuun qalbii isaa irratti ni cufama. Sababa inni badii hojjateen, Rabbiin qalbii isaa irratti cufa.

Qalbiin namaa yoo cufamte dhimma amanti hubachuun isatti ulfaata. Kanaafi, haqa akka sobaatti, soba immoo akka haqaatti ilaala.

Du'aan booda kaafamuun gara fuunduraatti akka raawwatamu fakkeenyota agarsiisan

Rabbiin olta'aan namticha ganda kukkufta biraan darbe ajjeesun wagga dhibba booda isaa fi harree isaa jiraachise. (Suuratu Al-Baqarah 2:259)	Bani Israa'il keessaa nama ajjeefame eenu akka isa ajjeese akka beeksuuuf du'aan booda ni kaase. (Suuratu Al-Baqarah 2:73)	Namoota kumaatamatti lakkaawaman du'a sodaachun bakka biraatti osoo baqachaa jiranu, karaa irratti "du'aa" isaaniin jechuun erga du'anii booda isaan jiraachise. (Suuratu Al-Baqarah 2:243)	Sinbirooleen cicciramanii du'an gaara adda addaa irra kaa'amani yommuu Nabii Ibraahim ofitti waamu lubbu-qabeenyi ta'uun gara isaa fiigan. (Suuratu Al-Baqarah 2:260)	Du'aan booda kaafamuun dachii erga gogde booda magariisa taatun wal fakkaata. Rabbiin akkuma biqiltoota magarsuun dachii gogdee jiraachise, nama du'es qaama isaa magarsuun ni jiraachisa.
---	---	---	--	---

www.sammubani.com

Kitaabban wabii:

[1] Tafsiir Tahriir wa tanwiir-21/133

[2] Tafsiir Muyassar-410

[3] <http://sammubani.com/2020/05/13/tafsiira-suuratu-qaaaf-kutaa-2/#.X0ur7sj7TIU>

[4] Tafsiir Saâ€™dii-758, Tafsiir Qurxubii-16/454

[5] Maâ€™aariju Tafakkuri wa daqaaâ€™iqu tadabbur-15/190-193

Date Created

September 28, 2020

Author

admin